

Dispvtationes Theologicae

Quatuor Tomis distinctæ: Qvibus Vniversa Theologia Scholastica Clare,
Breviter & accuratè explicatur

De Deo, Et De Angelis

Martinon, Jean

Burdegalae, 1644

Sect. 3. Quomodo stet diuinitas personaru[m] cum processionibus.

[urn:nbn:de:hbz:466:1-73898](#)

Sopra num. logis supra citatis ut temeraria & erronea.
Probatur minor. Nam postea quod filius,

& Spiritus sanctus, non procedant per intellectum & voluntatem; nulla potest reddi ratio efficax cur sint duas processiones in diuinis, nec plures: ut fateatur Durand. in 1. dist. 10. q. 2. Neque cur productio filij sit à patre solo, & Spiritus sancti productio sit à vtroque. Neque aut illa superior: hæc posterior. Nec denique cur illa sit generatio: hæc spiratio. Horum enim omnium ratio non potest aliunde reddi quam ex modo procedendi, filii per viam intellectus, & Spiritus sancti per viam voluntatis, ut patebit suis locis.

19. Fundamentum Nominalium eiusdem fuit supra d. p. 3. sect. 5. 6. & 7. vbi ostendimus Scripturæ, Concilijs, Sanctis Patribus, & ratione repugnare.

Sol. Junct. argumenta Durandi Ad primum vero Durandi argumentum, Respondeo actus intelligendi & volendi non esse productiones ipsas, sed esse principia productionum per secunditatem generandi & spirandi in ilius proximè fundatum, seu per se primò illis identificaram. Falsum vero est nihil consequi ex actibus intelligendi & volendi. Nam in creatis producuntur habitat, & species impressæ, per huiusmodi actus, ad facilitatem operandi, & ad recordationem. In diuinis vero excellenter infinitudo essentia diuinæ intelligentis & volentis, val. ad duplum illam productionem Verbi & amoris personalis, & ad communicationem essentia personis productis.

20. Ad primam confirmationem Respondeo processiones diuinæ esse ex secunditate naturæ diuinæ, quatenus ex eius infinite prouenit ut actus essentiales intelligendi & volendi sunt proximè & immediate secundi. Nimirum quia illud intelligere & velle, sunt intelligere & velle naturæ diuinæ ipsi sentiale naturæ, inquam, mirabiliter secunda, communicabilis & identificabilis tribus personis realiter distinctis.

21. Ad secundam & tertiam confirmationem, dico secunditatem ad intra competere Deo per aliquid altius, quām conueniat creaturis. Nimirum per actus immanentes, quibus persona producens producit aliam in seipso immanentem, & velut in finu suo receperat. Qui actus immanentes in natura pure intellectuali & immutabili, cuiusmodi est natura diuina, non sunt alii, quām actus intellectus & voluntatis. Porro licet actus illi immanentes sint communis tribus personis: non tamen propterea vis producendi ad intra omnibus competit. Quia vis & secunditas generandi non est actus intelligendi simpliciter & absolute sumptus: sed prout est determinatus, seu modificatus, & secundus per proprietatem generantis. Secunditas quoque spirandi non est actus voluntatis præcisè sumptus, sed ut determinatus seu modificatus & secundus per proprietatem spiratoris sibi proximè & immediate

Fœconditas generandi non est actus intelligendi simpliciter & absolute sumptus.

& absolute sumptus.

identificata. Quo sensu debet intelligi, ut verum sit, id quod ait Scot. in 1. dist. 2. q. 7. filium procedere per actus notionalem intelligentiam, qui est dicere, non autem per actum essentialē ut tales: & Spiritum sanctum produci non per amorem essentialē quā tales, ut communem tribus personis: sed per amorem notionalem, id, est, ut determinatum seu modificatum, & secundum proprietatem spiratoris. Alioqui vero falsum esset & superfluum, ponere actum intelligenti formaliter, proprium patris singulariter, ultra communem actum intelligenti, quo Deus intelligit perfectissimè omne intelligibile, & eo omni modo quo potest intelligi sine imperfectione. Falsum item est, patrem habere quicquam singulariter sibi proprium præter paternitatem seu proprietatem patris, quæ non est concipienda ut actus formalis intelligendi, sed ut hypothesis relativa opposita filio, relatione originis. Similiterque vis spirandi in Patre & filio non est concipienda ut actus formalis volendi: sed ut secunditas continuans patrem & filium relatione oppositos ad Spiritum sanctum, per modum unius Spiratoris.

SECTIO III.

Quomodo stet diuinitas personarum cum processionibus?

Ratio dubitandi est primò, quia omne quod producitur, ab alio producitur. Nihil enim producitur à seipso. At nullum ab alio productum est Deus. Deus enim est primum ens, à quo est omne aliud ens. Nullum vero productum est primum ens, sed eatenus est secundum & accessoriū. Secundò, produci ab alio est mendicare existentiam & accipere ab alio, & indigere illo: quæ omnia sonant imperfectiōnem, & repugnant enti simpliciter infinito. Tertio, persona producens præsupponit productæ prius ratione, dependentiā, & constitutione: persona vero producta est posterior. Et licet necessariò sequatur producere in: tamen à posteriori tantum, & consequenter. Hoc autem repugnat Deo summo perfecto, & primo enti, nullum prius aut perfectius agnoscendi: ergo &c.

Ad primum Respondeo negando minorem. Ad cuius probationem, dico de ratione Dei esse, ut sit primum ens ratione essentia: & non ratione cuiuscunq; proprietatis personalis, nisi identice, quatenus illa, ut productionis, identificatur essentia diuinæ, quæ est primum ens, & omnino à se.

Dices, Personas productas ne quidem ratione essentia esse primum ens, siquidem illam habent ab alio, nempe à producente.

Respondeo essentiam personæ productæ duobus modis spectari posse. Primo, ab

solum & secundum se: & sic non est ab alio, ne quidem est communicante. Secundò, ut identificata & veluti communicata proprietati personæ productæ: & sic quidem ab alio est, non ut producente, sed tantum ut communicante: unde etiam eatus est ens à se negativè, id est, improductum ab alio: quamvis non primum omni ratione. Prior enim est essentia ut communicabilis, & veluti radix fecunditatis & communicationis, quam essentia ut communicata, id est, communicationis actualis & formalis essentia. Sed hoc non obest Deitatem personæ productæ: quia non quicquid est Deus, debet esse primum omni ratione, & sub quacunque consideratione: cum vel in ipsa essentia quedam sint alia alijs priora ratione, ut intellectus voluntate, & voluntas omnipotencia.

Ad secundum Respondō esse quidem in ter personam producentem, & productam, exigentiam mutuam absolute necessariam: & rationem principij, & termini; dantis, & accipientis: at non indigentiam, emendationem, & similes imperfectiones, quæ non sunt de ratione producentis, & producti, generaliter sumptu prout à Deo & à creaturis abstrahit: & à Deo remoderi debent: tum quia non minori necessitate persona producta existit & habet essentiam diuinam, quam productus: tamque est necessarium esse tres personas diuinam, quam esse ipsum Deum: unde non est ibi indigentia & dependentia, sed mutua connexio personarum, & quæ verius necessaria absolute. Tum etiam quia, ut recte ait Cyrill. Alexand. in Synodo V generali p. 3. in apologia duodecim anathematismorum, anathematismo 1. §. Diverso Cyilli, Deus non gignit nisi diuine & dignè Deo: se moris felicit imperfectionibus dependentia, causalitas, indigentia & similibus, propter quas sanctus Dionysius cap. 2. de diuin. nominib. verius finem concipiendas esse ait, processiones istas cum infinita distantia à creatis, licet iisdem exprimantur nominibus, & cap. 7. eiusdem libri affirmit Diuina dignè Deo esse intelligenda.

Ad tertium Respondeo Patrem esse priorem origine, quam filium: itemque filium sequi à posteriori, sed posterioritatee tantum originis, quam in eo consistit, quod vnum sit ab alio. At hoc non obest productioni filii. Quia per productionem simpliciter & absolute necessariam accipit diuinam essentiam, per quam absolute speccatam est prior ratione & presuppositione fundamentali, quam si etiam pater ut pater, & ut distinctus a filio. Essentialia enim presupponuntur personalibus, ut ratione priora. Neque ideo definit persona qualiter esse summè perfecta, & nihil habere supra se. Qualibet enim continet formaliter, vel eminenter, omnem perfectionem. Et quamvis proprietas producentis non sit formaliter in producta, sicut vice versa proprie-

tas personæ productæ non est formaliter in producente: nulla tamen est perfectio in una, quæ non sit saltem eminenter in alia, ratione essentiæ, in qua formaliter vel eminenter omnia continentur. Unde etiam fit ut persona producens non sit perfectior producta simpliciter: quoniam hæc vi processus accipit, non tantum omnem perfectionem similiter similiem, sed etiam eminenter ipsam perfectionem originis actionis, quæ est in producente. Licet producens habeat illam duobus modis: & formaliter, per seipsum: & eminenter, per essentiam. Sicut etiam persona producta habet oppositam proprietatem originariam, seu passiuam originem, & formaliter per se, quo modo non est in producente: & eminenter per essentiam, quo modo vi essentiæ communis est persona producenti.

Illud vero Christi Actus: 20. Beatus est dare, quam accipere, verum est quidem datione libera & moralis, de qua Christus: aut etiam de qualis datione & acceptance creationis. Non enim de diuina, in qua ex absolute necessitate datur essentia eadem, quam accipientem constituit infinitum simpliciter in omni genere perfectionis. Nam illud ens, quod procedit quidem ab alio, sed ita tamen, ut ex intrinseca & absoluta necessitate existeat & debeat, non existit alterius beneficio, neque nulli alteri debet suam existentiam, magis quam ab ipso. Sed habet in seipso necessitatem existendi, & fundamentalium sua existentiam, quoniam ab intrinseco determinatum est ad existendum, & non tantum ratione sui principii: nulloque modo est de se indifferens, ut existat vel non existat. Unde non est existimandum huiusmodi ens tantum existere necessario, quia habet principium determinatum & necessitatem ad sui productionem: Id enim est habere tantum necessitatem, ab extrinseco: sed potius dicendum est, quia per se, & quantum talis est, necessario debet existere per processionem ab alio, ideo habere principium determinatum ad sui productionem. Et vice versa, quia necessario, & ab intrinseco necessitate absoluta aliquid est secundum; idcirco esse principium determinatum ad alterius productionem. Ita, ut sit ex quo intrinseca & absoluta, necessitas, tam in principio, quam in testimonio. Neque magis persona producta debet suum esse persona producenti, aut illa indiget, ut ab illa pendeat; quam persona producens pendeat à producta, vel debeat illi suum esse, aut illa indiget. Sed in utraque tantum sit mutua connexio, mutuaque exigentia: & equalis verius absolute, que essendi necessitas. Atqui persona producta quam ita se habet respectu persona producentis diuinæ, ut nihil magis illi debeat, quam illa sibi, neque magis illa indiget, neque ab illa pendeat, sed a quo necessario existat; debet esse equalis perfectionis cum illa, adeoque debet esse diuina. Quare persona per-

25.
Processio
per sona
rum diu
narum est
me indi
gentia &
dependen
tia.

27.
Individua
non est
beatus da
re, quam
accipere.

Personæ
diuina pro
ducta non
minus est
ipsa necess
ariaria ab
intrinseco,
quam per
duca pro
ducens.

sonae producta in diuinis sunt aequales producentibus. Ac proinde in diuinis non est beatius & perfectius dare, quam accipere; & producere, quam produci.

SECTIO IV.

De principio & termino formalis productionis diuinarum.

28.
Potentia
generandi
& spirandi
est realis
& physica.

Svppono primo in diuinis esse verum ac reale principium formale, seu potentiam generandi & spirandi: esseque erro- neum existimare has potentias esse tantum virtuale, seu metaphysicas. Nam potentiae virtuale, tantum & metaphysica non sunt verae & reales potentiae; sed solum per modum potentiarum, sive per analogiam & proportionem ad verae potentias concipiuntur, propter aequivalentiam ad duo, quorum unum est potentia in creaturis, & alterum est actus: sicutque tantum nomine tenus & conceperu potentiae. At dicere potentias generandi & spirandi non esse veras potentias formaliter & realiter producen tes, sed tantum ea concipi propter aequivalentiam, est erroneum & hereticum. Hoc enim est negare, Deo esse veras & reales productiones: ac proinde negare distinctionem realem, & pluralitatem personarum diuinarum, qua fundatur in relatione originis, id est, reali processione unius ab alia. Quare grauiter errauit Aureolus in 1. dist. 7. q. 1. art. 2. dicens potentiam generandi & spirandi, non nominare aliquod principium productuum in diuinis.

29.
Argumen ta Aureoli
contra
contrarium.

Eiusautem argumenta praecipua haec sunt: Primo, quia inquit, vbi productiones non sunt elicita, vanum est quare productum potentiam, aut principium producendi. Sed in diuinis generare & spirare non sunt productiones elicite: Pater enim nihil habet elicitum: & possumus illud quo constituitur formaliter in esset suppositi, non potest est aliud; alioqui non esset suppositum improductum. Secundo, posse esse patrem non est posse potentiam productum, sed est posse connexionis necessaria, eo modo quo homo potest esse animal. Sed eadem est potentia qua potest generare, & qua potest esse filius: alioqui Pater produceretur in esse patris, quod est erroneum. Ergo generare non est posse potentiam productum. Tertio, illa potentia productiva esset perfectio simpliciter simplex, multo magis quam potentia creativa. Ergo aliqua perfectio simplex esset in aliqua persona, quae non esset in alia.

30.

Ad primum respondeo, illud procedere ex falsa imagine. Quod actione vel productio sit aliquid eliciti ex ipso agente. Quod si ita esset, abiaret in infinitum. Nam elicetur mediante alia actione, & hanc iterum mediante alia, & sic in infinitum. Ac si dicitur actione elici immediata ab agente, &

non egere actione intermedia, ab agente distincta: melius & verius est dicere terminum produci immediate ab agente, & non egere actione intermedia, distincta ab agente, ab eoque producta & ita ut actio nihil aliud sit, quam agens se exercens circa terminum, suaque vi illum ponens.

Ad secundum respondeo, posse esse patrem, seu posse generare, non esse posse potentiam productum, circa ipsum patrem aut paternitatem: sed circa filium.

Ad tertium dico potentiam generandi & potentiam spirandi, quamvis nobiliorem virtutem creandi, non esse tamen perfectio nem simpliciter simplicem: quia relatiu & incompatibiliter opponitur alteri sequenti bona. Licer autem potentia illa non sicut formaliter in personis relatiu oppositis: sunt tamen in illis eminenter, ratione essentiae diuina, continentis formaliter omnes perfectiones simpliciter simplices, alias eminenter.

Suppono secundum, cum communi sententia Theologorum principium quo, seu potentiam productivam in diuinis distinguunt ratione a principio producente ut quod, Si milite que terminum formale productio nis distinguunt ratione a termino totali, id est, a persona producta. Quod nemo negat praeter aliquos Nominales, ut Gregorium Arminensem in 1. dist. 7. quæst. 1. art. 2. conclus. 1. & Maiorem ibidem, quæst. vni ca, ferentio. Idcirco quia putant essentiam & proprietates personarum diuinarum ne ratione quidem & virtualiter distinguunt. Quod esse falso ostendimus dis. 3. sect. 5. & 6. Addit Gregorius loco citato, principium producens filium, seipso primo producere, & non per aliud extrinsecum aut intrinsecum. Igitur non est aliud principium quo, aliud a principio quo producit. Deinde, si Pater per aliud a se aliquo modo produceret, tanquam principio quo: esset aliquo modo illud tale causa patris. Quia omne quod agit per aliquid aliud: aliquo modo habet esse, vel tale esse, per illud. Tertiò, si aliqua forma simplex substantialis, vel accidentalis, separata diuina virtute, aut naturaliter per se existens, ageret ipsa seipso primè agere, & non aliquo alio principio quo. Igitur sic est in primo producente, quod Deus est, non minus simplex, quam illa forma. Neque dicas, inquit, quod non obstante summa simplicitate persona, adhuc essentia, & similiter proprietas, aliquo modo distinguuntur a persona, saltem secundum rationem: & per consequens persona potest esse principium quo: & essentia vel proprietas, principium quo. Illud enim non valeret, quia distinctio rationis aut conceptus nihil facit ad proprium. Neque conceptus vel ratio est principium quo, nec quod generandi filium: sed res extra in qua cum nulla penitus sit distinctio, non potest ibi talium principiorum distinctio assignari. Et confirmatur quia eadem